

საქართველოს ეკონომიკისა და მდგრადი განვითარების მინისტრის

ბრძანება №1-1/173
2024 წლის 14 მაისი

ქ. თბილისი

„ელექტროენერჯის (სიმძლავრის) ბაზრის წესების დამტკიცების შესახებ“ საქართველოს ენერჯეტიკის მინისტრის 2006 წლის 30 აგვისტოს №77 ბრძანებაში ცვლილებების შეტანის თაობაზე

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის თანახმად, ვბრძანებ:

მუხლი 1

„ელექტროენერჯის (სიმძლავრის) ბაზრის წესების დამტკიცების შესახებ“ საქართველოს ენერჯეტიკის მინისტრის 2006 წლის 30 აგვისტოს №77 ბრძანებით დამტკიცებულ „ელექტროენერჯის (სიმძლავრის) ბაზრის წესებში“ (www.matsne.gov.ge, სსმ, №117, 31/08/2006, სარეგისტრაციო კოდი: 300.300.000.22.025.009.162) შეტანილ იქნეს ცვლილება და 41-ე მუხლს დაემატოს შემდეგი შინაარსის 35-ე პუნქტი:

„35. 2024 წლის აპრილის პერიოდში შექმნილი ტექნიკური გარემოებების გათვალისწინებით და ენგურჯესის ჰიდროელექტროსადგურის მიერ წყლის უქმი დაღვრის თავიდან აცილების მიზნით, ენგურჯესის 2024 წლის აპრილის თვის გამომუშავება პირველ რიგში გამოყენებულ იქნეს საექსპორტოდ. ამავე საანგარიშო პერიოდში აფხაზეთის მოხმარების დაბალანსება განხორციელდეს ენგურჯესის გამომუშავებიდან ექსპორტის ზევით დარჩენილი მოცულობისა და ვარდნილქვების კასკადის მიერ გამომუშავებული ელექტროენერჯის, ასევე სისტემის კომერციული ოპერატორის მიერ შესყიდული ელექტროენერჯის ხარჯზე. აფხაზეთის მოხმარების დაბალანსების მიზნით სისტემის კომერციული ოპერატორის მიერ შესყიდული ელექტროენერჯის ხარჯზე აფხაზეთის ტერიტორიაზე მიწოდებული ელექტროენერჯის დაბრუნება ენგურჯესის მიერ განხორციელდეს ამ წესების 38-ე მუხლის მე-2 პუნქტის შესაბამისად. ამ პუნქტით გათვალისწინებული ექსპორტის უფლების მოპოვება ხდება ამ წესების შესაბამისად ჩატარებული აუქციონის შედეგებით.“.

მუხლი 2

ეს ბრძანება ამოქმედდეს გამოქვეყნებისთანავე.

საქართველოს ეკონომიკისა და
მდგრადი განვითარების მინისტრი

ლევან დავითაშვილი

